



Universitätsbibliothek Paderborn

Philomathi Mvsae Ivveniles

Alexander <VII., Papst>

Coloniae Vbiorum [i. e. Amsterdam?], 1645

LV. De Gregorio XI Svmmo Pontifice, E Gallia in Vrbem, Divae Catharinae
Senensis precibus, revocato.

urn:nbn:de:hbz:466:1-12750

L V.

DE GREGORIO XI
SUMMO PONTIFICE,

E Gallia in Vrbem, Divæ Catharinæ Senensis pre-
cibus, revocato.

*In festa Oenotriis Gallia gentibus
Quondam Romuleo sanguine polluit
Labentem tumidis fluctibus Alliam, &
Vrbem diruit ignibus :
Auro mox inhians dum Capitolium
Vrget, quam validos exulis impetus
Sensit, funeribus que totidem suis
Vertit funeral civium !
Heu sed victa diu Gallia præliis,
Victrix pace, nova fulsit adorea,
Et sancto viduans Hesperiam Patre
Præda nobilis aurea,
Iam nunc præcipitem fluctibus alveum
Laxaret Rhodano ; ni redeat suo
Antiquus Latio splendor ab unica
Senarum prece Virginis.
Non tu carminibus, Tibri, potentius
Solves eloquium. Vinctus, & innuba
Orante, obstupuit Gallicus Hercules,
Priscifabula temporis,*

G 2

Hanc

Hanc & Threicio præferat Orpheo,
 Diræoque seni, seditionibus
Quod pressis vigeat Roma beatior
Orbemque imperio regens
Regnantes placida lēge coērceat,
Perversisque minax fulmina dividat.
Non hæc fæmineo pectore provenit
Vis, sed cordis amabilis
Hospes Virgineo stat Deus in sinu.
I, priscae repetas mœnia Pontifex
Vrbis; rumpe moras, rebus & Italis
Præsis consilio parens.
Quidni per dociles commodet illico
Aures imperio? cui procul horrida
Parent regna Stygis, qua revocant gradum
Mandante, & superas tenent
Auras Tartareis ignibus abditi;
Cui defuncta calent corpora ad osculum,
Cui cælum pluvio rore aperit viam,
Dum mors obsequiis favet.

LVI.

DE CAMILLO QVERNO
Archipoëta.

CVM satur est Quernus, ventosa poëmata ructat.
 Non est id capiti, sed stomacho, ingenium.

LVII. CO-